

WieWennWo

Wüerd mi gärn mit Dir la gheie
u mi chli verstecke i Dim Haar
Wüerd mi gärn zäme mit Dir nomau befreie
u när vertube für n'es Jahr!
Wüerd gärn mit Dir chli dr Wäg verliere
u für ne nöie z'finde hätte mir ewig Zyt!
Säg mir nume Wie, Wenn u Wo!
Säg mir nume Wie, Wenn u Wo!
Bitte säg mer Wie, Wenn u Wo!

Chäm gärn mit Dir vom Räge i d'Troufe
mir liesse üs la tribe bis i ds Meer!
stundelang am Strand nah loufe
dür ne frömndi Stadt, chrütz u quer!
Ig bruuchti nie me so öppis wi ne Kompass
drfür dörfst ig vilicht chli Di Lüchtturm si
Säg mir nume Wie, Wenn u Wo!
Säg mir nume Wie, Wenn u Wo!
Bitte säg mer Wie, Wenn u Wo

Liess mi gärn vo dir entführe
überwäutige müesstisch du mi nid!
Wüerd gärn dis Härz berühre
vo Dim Glück wär ig gärn chli dr Schmied
u mir würde uf e Rügge lige u stuune
wi sech d'Wäut ganz langsam um üs ume träit!
Säg mir nume Wie, Wenn u Wo!
Säg mir nume Wie, Wenn u Wo!
Bitte säg mer Wie, Wenn u Wo